

KK/BMKD(S)10/727/142/1



KEMENTERIAN KEWANGAN

PEKELILING PERBENDAHARAAN BIL. 3 TAHUN 2007

Semua Ketua Setiausaha Kementerian
Semua Ketua Jabatan Persekutuan
Semua Setiausaha Kerajaan Negeri
Semua Ketua Badan Berkanun Persekutuan
Semua Pihak Berkuasa Kerajaan Tempatan
Semua Ketua Pegawai Eksekutif Syarikat Kerajaan

KRITERIA PEMBERIAN TARAF "BUMIPUTERA CONTROLLED PUBLIC LISTED COMPANIES"

Tujuan

Pekeliling ini bertujuan untuk memaklumkan agensi Kerajaan mengenai pemberian taraf Bumiputera kepada syarikat-syarikat awam yang tersenarai di Bursa Malaysia. Taraf Bumiputera ini akan dikenali sebagai *Bumiputera Controlled Public Listed Companies (PLC)*.

Kriteria Pemberian Taraf *Bumiputera Controlled PLC*

2. Syarikat awam yang dikuasai oleh Bumiputera akan mendapat status *Bumiputera Controlled PLC* sekiranya syarikat tersebut memenuhi semua kriteria seperti mana di **Lampiran A**.

Cara Pemberian Taraf *Bumiputera Controlled PLC*

3. Permohonan untuk mendapatkan taraf *Bumiputera Controlled PLC* hendaklah dikemukakan terus kepada Jawatankuasa Pelaburan Asing (FIC) atau Kementerian Perdagangan Antarabangsa dan Industri (MITI), di mana berkenaan.
4. FIC/MITI akan memproses permohonan syarikat dan akan mengeluarkan surat pengesahan kepada syarikat dan surat tersebut disalin kepada Kementerian Kewangan atau Pusat Khidmat Kontraktor (PKK), mengikut mana yang berkenaan, menyatakan bahawa syarikat awam berkenaan adalah layak untuk diberikan taraf *Bumiputera Controlled PLC*. Kementerian Kewangan atau PKK, mengikut mana yang berkenaan, kemudian akan mengeluarkan sijil pendaftaran taraf *Bumiputera Controlled PLC* berkenaan.
5. Agensi yang mengeluarkan Sijil Pendaftaran kepada syarikat *Bumiputera Controlled PLC*, hendaklah memastikan hanya nama anak syarikat yang memenuhi kriteria dua (2) hingga enam (6) di **Lampiran A** sahaja dicatatkan dengan jelas di atas sijil tersebut.

Pelepasan Pegangan Saham Bumiputera

6. *Bumiputera Controlled PLC* yang pada masa ini mempunyai pegangan saham lebih 51% boleh mengurangkan ekuiti Bumiputeranya secara berperingkat tetapi tidak boleh kurang daripada 35% dan saham tersebut hendaklah dipindah milik kepada syarikat Bumiputera yang lain.
7. Sekiranya tidak terdapat syarikat Bumiputera yang berminat, perlepasan kepada bukan Bumiputera boleh dipertimbangkan oleh FIC/MITI dengan mengemukakan bukti yang cukup.

Pengesanan Dan Pengawasan

8. Untuk tujuan pengesanan dan pengawasan status *Bumiputera Controlled PLC*, syarikat yang telah diberikan taraf tersebut dikehendaki mematuhi peraturan berikut:
 - (a) syarikat dikehendaki mengemukakan laporan status syarikat mengenai pegangan ekuiti, Pengerusi dan Lembaga Pengarah dan pengurusan syarikat kepada FIC/MITI, mengikut mana yang berkenaan, setiap tiga (3) bulan sekali; dan
 - (b) sekiranya terjadi pegangan saham Bumiputera berkurangan lebih daripada 35%, syarikat hendaklah melaporkannya dengan serta-merta kepada FIC/MITI, mengikut mana yang berkenaan.

9. FIC/MITI akan melaporkan ketidakpatuhan perkara di perenggan (8) di atas dengan serta-merta kepada Kementerian Kewangan atau PKK dan taraf tersebut hendaklah dibatalkan dengan serta-merta.

10. Syarikat yang telah dibatalkan taraf *Bumiputera Controlled PLC* boleh membuat permohonan baru untuk pemberian taraf *Bumiputera Controlled PLC* kepada FIC/MITI, di mana berkenaan.

Syarat-syarat Yang Dikenakan Ke Atas *Bumiputera Controlled PLC* Untuk Memasuki Tender Kerja Kerajaan

11. Syarikat yang mendapat taraf *Bumiputera Controlled PLC* hanya dibenarkan memasuki tender kerja Kerajaan yang bernilai melebihi RM30 juta sahaja. Syarat ini juga terpakai kepada semua anak syarikat *Bumiputera Controlled PLC*.

12. Syarikat *Bumiputera Controlled PLC* tidak dibenarkan memasuki mana-mana tender yang dikhaskan atau dirizabkan kepada syarikat yang bertaraf Bumiputera mengikut definisi Surat Pekeliling Perbendaharaan Bil. 4 Tahun 1995.


Kuat kuasa

13. Pekeliling ini berkuat kuasa pada tarikh ianya dikeluarkan. Dengan berkuat kuasanya Pekeliling ini, Surat Pekeliling Perbendaharaan Bil. 13 Tahun 1993 adalah dibatalkan.

Sekian, terima kasih.

“BERKHIDMAT UNTUK NEGARA”

Saya yang menurut perintah,



(Tan Sri Izzuddin bin Dali)
Ketua Setiausaha Perbendaharaan

Februari 2007

s.k. Ketua Setiausaha Negara
Ketua Audit Negara
Akauntan Negara Malaysia
Semua Pegawai Kewangan Negeri

KRITERIA PEMBERIAN TARAF *BUMIPUTERA CONTROLLED PUBLIC LISTED COMPANIES*

1. Syarikat awam yang disenaraikan itu dikuasai secara langsung oleh institusi/kumpulan/syarikat Bumiputera yang dikenal pasti merupakan pemilik tunggal terbesar dengan memiliki sekurang-kurangnya 35% kuasa mengundi syarikat atau pemiliknya secara agregat terdiri daripada 2 atau 3 institusi/kumpulan/syarikat Bumiputera yang dikenal pasti memiliki sekurang-kurangnya 35% kuasa mengundi syarikat. Di samping itu tidak terdapat institusi/kumpulan/syarikat Bukan Bumiputera memegang lebih daripada 10% kuasa mengundi syarikat atau secara agregat institusi/kumpulan /syarikat Bukan Bumiputera yang dikenal pasti sebagai *substantial shareholders* memiliki tidak lebih daripada 24% kuasa mengundi syarikat.
2. Pemegangan ekuiti institusi/kumpulan/syarikat Bumiputera itu tidak bersekutu atau bergabung secara langsung atau tidak langsung dengan mana-mana institusi/kumpulan /syarikat Bukan Bumiputera.
3. Institusi/kumpulan/syarikat Bumiputera itu adalah pemilik yang sah dan berupaya untuk menggunakan kuasa mengundi selaku pemegang ekuiti dan dapat bertindak secara bebas tanpa dipengaruhi oleh mana-mana pihak.
4. Sekurang-kurangnya 51% daripada ahli Lembaga Pengarah termasuk Pengerusi Syarikat yang dilantik oleh institusi/kumpulan/syarikat Bumiputera itu adalah Bumiputera.
5. Pengarah Urusan (*Managing Director*)/Ketua Pegawai Eksekutif (*Chief Executive Officer*) adalah seorang Bumiputera.
6. Sekurang-kurangnya 51% daripada anggota pengurusan, profesional dan kakitangan penyeliaan adalah terdiri daripada Bumiputera.
7. Institusi/kumpulan/syarikat Bumiputera terlibat akan berusaha bersungguh-sungguh untuk meningkatkan penyertaan Bumiputera dalam kegiatannya.

KRITERIA PEMBERIAN TARAF *BUMIPUTERA CONTROLLED PUBLIC LISTED COMPANIES*

1. Syarikat awam yang disenaraikan itu dikuasai secara langsung oleh institusi/kumpulan/syarikat Bumiputera yang dikenal pasti merupakan pemilik tunggal terbesar dengan memiliki sekurang-kurangnya 35% kuasa mengundi syarikat atau pemilikinya secara agregat terdiri daripada 2 atau 3 institusi/kumpulan/syarikat Bumiputera yang dikenal pasti memiliki sekurang-kurangnya 35% kuasa mengundi syarikat. Di samping itu tidak terdapat institusi/kumpulan/syarikat Bukan Bumiputera memegang lebih daripada 10% kuasa mengundi syarikat atau secara agregat institusi/kumpulan /syarikat Bukan Bumiputera yang dikenal pasti sebagai *substantial shareholders* memiliki tidak lebih daripada 24% kuasa mengundi syarikat.
2. Pemegangan ekuiti institusi/kumpulan/syarikat Bumiputera itu tidak bersekutu atau bergabung secara langsung atau tidak langsung dengan mana-mana institusi/kumpulan /syarikat Bukan Bumiputera.
3. Institusi/kumpulan/syarikat Bumiputera itu adalah pemilik yang sah dan berupaya untuk menggunakan kuasa mengundi selaku pemegang ekuiti dan dapat bertindak secara bebas tanpa dipengaruhi oleh mana-mana pihak.
4. Sekurang-kurangnya 51% daripada ahli Lembaga Pengarah termasuk Pengerusi Syarikat yang dilantik oleh institusi/kumpulan/syarikat Bumiputera itu adalah Bumiputera.
5. Pengarah Urusan (*Managing Director*)/Ketua Pegawai Eksekutif (*Chief Executive Officer*) adalah seorang Bumiputera.
6. Sekurang-kurangnya 51% daripada anggota pengurusan, profesional dan kakitangan penyeliaan adalah terdiri daripada Bumiputera.
7. Institusi/kumpulan/syarikat Bumiputera terlibat akan berusaha bersungguh-sungguh untuk meningkatkan penyertaan Bumiputera dalam kegiatannya.